

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/ KANTON SREDIŠNJA BOSNA

KANTONALNI SUD U NOVOM TRAVNIKU

Broj: 51 0 K 173736 24 Kžk

Novi Travnik, 19.03.2025. godine

U IME FEDERACIJE BOSNE I HERCEGOVINE!

Kantonalni sud u Novom Travniku u vijeću sastavljenom od sudija Darmina Avdić kao predsjednika vijeća, te Lazarele Porić i Aide Pezer-Alić kao članova vijeća, uz sudjelovanje zapisničara Sadine Terzić, u krivičnom predmetu protiv optuženog H. Č., zbog krivičnog djela Šumske krađe iz člana 316. stav 2. Krivičnog zakona Federacije Bosne i Hercegovine, postupajući po optužnici Kantonalnog tužilaštva Travnik broj: T06 0 KT 0026869 20 od 24.05.2020. godine, nakon održanog pretresa pred apelacionim vijećem u prisustvu optuženog, njegovog branioca Bekira Ferizović, advokata iz Travnika i kantonalnog tužitelja Nedžada Islamović, dana 19.03.2025. godine donio je i u odsustvu uredno obaviještenih stranaka i branioca optuženog, javno objavio slijedeću:

PRESUDU

Optuženi : H. Č., sin M. i majke Z. rođ. G., rođen godine u Zenici, nastanjen u mjestu V. ..., općina Z., pismen, završena SSS, vozač motornih vozila, nezaposlen, oženjen, otac četvoro djece od kojih troje malodobno, dobrog imovnog stanja, Bošnjak, drž. BiH, JMBG: ..., vojsku služio, nema čin vojnog starješine, neodlikovan, neosuđivan, nalazi se na slobodi,

KRIV JE

što je:

dana 28.10.2019.godine oko 16,00 sati, na lokalitetu zv. Zaselje, u državnoj šumi, u odjelu 145, GJ „Jasenica Bila“, općina Travnik, zajedno sa još jednom ili više nepoznatih osoba, radi krađe oborio 3 stabala bukve, prečnika na panju 64, 74 i 80 cm, u ukupnoj količini od 11,34 m³, od čega je dio preradio na dužinu od 30 cm, i u količini od 3 m³, prisvojio, te na taj način oštetiio ŠPD-ŠGD "Šume Središnje Bosne/Srednjobosanske šume" d.o.o. Donji Vakuf, Šumarija Travnik za iznos od 1.160,70 KM,

dakle, radi krađe oborio u šumi više stabala, a količina oborenog drveta je veća od 5 m³,

čime je počinio krivično djelo Šumske krađe iz člana 316. stav 2. Krivičnog zakona Federacije BiH,

pa mu sud primjenom navedenog propisa, kao i člana 62. stav 1, stav 2. i stav 3. istog zakona, izriče

UVJETNU OSUDU

kojom se optuženom H. Č. utvrđuje kazna zatvora u trajanju od 1 (jedne) godine i istovremeno određuje da se ta kazna neće izvršiti ukoliko optuženi u roku od 2 (dvije) godine po pravosnažnosti presude ne počini novo krivično djelo.

Na osnovu člana 202. stav 1. Zakona o krivičnom postupku Federacije BiH optuženi se obavezuje da na ime troškova krivičnog postupka plati paušal u iznosu od 200,00 (dvijestotine) KM u roku od 30 dana od dana pravosnažnosti ove presude.

Na osnovu člana 212. stav 3. Zakona o krivičnom postupku Federacije BiH oštećenom ŠPD/ŠGD „Srednjobosanske šume/Šume Središnje Bosne“ d.o.o. Donji Vakuf se u cijelosti dosuđuje postavljeni imovinskopravni zahtjev u iznosu od 1.160,70 KM (hiljadustošezdeset konvertibilnih maraka i sedamdeset pfeninga) .

Zapisničar
Sadina Terzić

Predsjednik vijeća
Darmin Avdić